

# Pathian Hnen Fehnak Lamzin





© 1992 Rose Stair Goodman. A hmai phaw Edwin B. Wallace. A par zuk le cahmai 10, 12, 14, 16, 17, 29, 39, 41, 42, 44, 46, 47 le 48 pawl khi Mercy Esenwein ih suai mi an si. Bible thu pawl hi Falam version, copyright © 2004 by FBCM ihsi lak an si.

# **PATHIAN IN KAN LEILUNGPI LE A SUNGIH THILUM HMUAHHMAUH A TUAH**

A hramthawkah Pathian in lei le van a  
semter. Semsuahnak 1:1

Ziangahtile Amai zarah thil ziangkim lei  
le vanih um ... A semter. Kolose 1:16a

Lei le van tuahtu Lalpa'n mal lo sawm  
seh, Vanpawlih van tla cu LALPAI' ta a si,  
asinan leilung cu minung A pe.  
Saam 115:15-16

Pathian in leilung minung pawl a pek laiah  
cun a ðha famkim a si. Thil cang mipawl  
hmu suak dingah hi caukte hi siar aw.

## PATHIAN IN IN TUAH



Cule Pathian in, “Kan pianheng le kanmah bangnak nei-in minung tuah uh si,” A ti; cule tiffinriat sungih nga, tlun-zuang vate, rannung le leilung tlun hmuahhmuah le leilung parih bawkvakih feh pohpoh uk seh,” A ti. Semsuahnak 1:26

## MILAI CU MINUNGAH A CANG

Cule LALPA Pathian in leilungih leivut ihsin milai A sersuakih, milai hnarkhaw sungah nunnak thaw A thawt lut; cuisin milai cu minungah a cang.

Semsuahnak 2:7

Cule LALPA Pathian in, “Mipa amahte lawng um a tha lo; amah bawmtu ding awm tawk mi Ka tuah sak ding,” A ti. Cuisin LALPA Pathian in Adam cu thithlep ina ih-thatter, cuti-ih a ihthat lai-ah a hnak ruh pakhat A lak sakih, cui hmun cu tit in A phih sak. Cule LALPA Pathian in mipa hnakruh A lak sak miin nunau A tuah ih, mipa hnenah A hruai.

Semsuahnak 2:18a, 21-22

Minung mi tican cu khuiah simaw catuan a nung ding tinak a si.

# ADAM LE EVI IN PATHIAN THU AN LUNG LO



Setan aw kan ngai ding a si lo.

“Cule LALPA Pathian in minung A lakih, cui Eden hmuan leilet ding le kilkhawi dingin A ret. Cun LALPA Pathian in minung hnenah, “Hmuan sungih thingkung kipin na duhduh in na ei thei,” ti ah thu A pe, asinan, sia-le-ṭha theihnak thingkung cu ei hlah, ziangah tile cumi na ei asile, na ei ni lalaah na thi tengteng ding,” A ti.

Semsuahnak 2:15-17

RULPI – SETAN LE DIABOL AN TI CUN  
PATHIAN THUNEIHNAK THU A SUT IH  
THUPHAN A PER

Cui rul in nunau hnenah, “Nan thi hrimhrim lo ding!” tiin a sim. Nunau in thingkung cu ei ṭha ti a rak hmuh tikah, mit la zet le fim ko tuah theitu thingkung a si ti a hmuh tikah a rah a rak lou-ih a ei; a pasal khal a pe ih a rak ei ve. Semsuahnak 3:4, 6

## ADAM LE EVI CU HMUAN SUNGAH AN UM THEI NAWN LO



Cuiruangah LALPA Pathian in amah A lak suahnak leilungah leilet dingin Eden hmuan ihsin A suakter. Eden hmuan ni suahnak lamah Cherub le mei alh ralnam a retih, cucu nunnak thing zin kil dingin hmun kipah a her vivo. Semsuahnak 3:23b, 24b



# ADAM LE EVI AN SUAL NI CU MILAI HMUAHMHMUAH HRANGAH REHSIAT NI A SI



Cuiruangah, mi pakhat hnen ihsin leitlunah sual a lut bangin, sual hmangin thihnak a um, cuisin mi zate an sual bangin, mi hmuahhmuah parah thihnak a thleng.

Rom 5:12

## Hminsin Ding mi Thil

Mi zokhal sualih suak an si ih nikhat khatah an thi ding, a san cu thihnak cu sual ruangih ra a si. (Rom 5:12 siar sal aw)

# SUAL IHSI RUNNAK HRANG PATHIAN KHAWKHANNAK CU A FAPA NEIHSUN THLAH A SI



Milai pawl hnen ra lut dingin, Pathian fapa cu milai naute vekih a rat a rak tul.

“Fapa a hring ding; a hminah JESU na sak ding, ziangahatile Amahin a mipi an sual tla ihsin A rundam ding,” tin a sim.

Mathai 1:21

Ziangtintile, Amah Jesu Khrih ah Pathian sinak ziangkim famkim zetin taksa pum pian kengin a umcilh.

Kolose 2:9

## **JESU CU MILAI HMEL PU PATHIAN A SI**

A thawk pekah Thu a rak um, cui Thu cu Pathian thawn a rak um, cui Thu cu Pathian a rak si, Cui taksa ah cui Thu a cangih, kan lakah in umhnawh, A sunlawinak kan hmu, ngilneihnak le thutakih khat Pai' hrin, Fapa mal neihsunih sunlawinak kan hmu.

Johan 1:1, 14a

Tunah hi thilpawl cu Profet hmangin Lalpa'n A simkhawl mi thu zatei' thleng kim dingah hitin a cang. "NGAI HMAN, FALA HIM IN FA A RAI DINGIH, FAPA A HRING DING, A HMINAH 'IMMANUEL' TIIN AN KO DING," a tican cu, "PATHIAN IN IN UMPI TICAN A SI."

Mathai 1:22a-23

Ziangtintile kan hnenah naute a suakih cozahnak cu a liangparah a um ding: A hmin cu Mangbangza, Remruattu, Pathian Cak, Catuan Pa, Remnak Lal Fapa tiah an ko ding.

Isaiah 9:6

## JESU KHRIH KAN THAWINAK FAMKIM



“...Sual thei lo Amah  
cu...” 2 Korin 5:21

...Anih cun soal a tuah lo... 1 Peter 2:22a

Milai tuah thei mi ziang thawinak hman kan  
soal la hlo dingah a TLING famkim lo.

Ziangahtile cawcang le keel thisenih soal  
lak hloh theih a si lo. Hebru 10:4

Jesu hi Pathian tufa no a si. Cule Johan,  
“Zohhman, leitlun soal la hlotu Pathian  
Tuufa A rak thi,” a ti. Johan 1:29b

## **JESUN IN RUN DINGAH A NUNNAK A PE**

Mi rawng zet pawlin an huat ruangah Jesun cu thinglamtah parah khenin a um. Asinan a thihnak cu Pathian khawkhannak a si. Amai duhhrilnak rori in nangmah le keimah soal ihsi in run dingah a nunnak a pe.

“Zohmanin Ka hnen ihsin Ka nunnak in long thei lo, a sinan Ka lungkimnakin Ka liam mi a si. Nunnak liam dingah thuneihnak Ka nei, cui nunnak la leh dingah thu neihnak Ka nei fawn,” Jesu in a ti.

Johan 10:18a

### **Pathian Tuufa No Thisenih Tlen Kan Si**

Nan pupa hnen ihsi nan ngah sawng vivo mi pupa thurosiah bangin, a siat thei mi thil sui le ngunih tlen mi nan si lo ti thei in, cuhnakin sawihnawm-kai lole, him Tuufa No Khrih thisen mankhungih tlen mi nan si.


1 Peter 1:18-19

### **Ziang Thawinak Hmanin Kan Soal A La Hlo Thei Lo**

Cuti-in kumkhaw daihin tum khat lawng serhah A taksa pum Jesu Khrih in A pek awk zarah, kanih cu thenfai tithianghlim kan si thlang.

Hebru 10:10b

Hi fihfir hin  
Jesu a zum  
ih rundam  
a si.



Thu ngaiin Ka  
lo sim, tuisun-  
ah Keimah  
thawn Paradis  
ah na um ding.  
Luka 23:43b



Hi fihfir hin  
Jesu a zum  
lo ih rundam  
a si lo.

Tunah cuhnakih nasa deuh, Amai'  
thisenih thiam in coternakin, Amai zarah  
Pathian aithawhna ita rundam kan si ding.

Rom 5:9b

Jesu Na lalramih Na rat tikah, i hngilh  
siang hlah.

Luke 23:42b

Misual (Pathian thulung lo) kan si cingin,  
Khrih kan hrangah a rak thi.

Rom 5:8b



## A THO SAL!



Vanmi cun nunaupawl hnenah, “Ṭih hlah uh; ziangah tile khenbet mi Jesu nan hawl ti ka lo thei. Hi tawkah A um lo, ziangah tile Asim cia bangin A tho thlang. Ra uhla, A vuinak hmun zoh uh,” tiah a ti.

Mathai 28:5-6



## **THIHNAK IHSIN A RA SUAK**

“...Ih Nung ringring Ka si; Ka rak thi, ngaihman, kumkhua Ka nung lan ta; thihnak le hremhmun mithi khua cabi awnnak tawh Ka nei. Thuphuan 1:18


Keimah Ka nun bangun nannih khal nan nung ve ding. John 14:19b

Khrih in thihnak a neh ih thihnak tawhfung a neih ruangah thihnak ÷ih a tul nawn lo. Ka lungphan tikah Nangmah ka lo rinsan ding. Saam 56:3

### **Jesu In A Lo Rundam Thei Ih Na Hrangah Thla A Cam Rero**

“Asinan khatlamah Amah cu kumkhaw um a si-ih, A puithiamnak a hmun lanta Cuti a si bangun, Anih khal an hrangih thlacamnak tuah sakdilsaktu dingih a nun ringring zarah, Amah ihsi Pathan pantu pawl cu kumkhua famkim-ih rundam dingah a tlin aw. Hebru 7:24a, 25b

## NANG LE KEIIN CATUAN NUNNAK KAN NEI THEI



### **Khawi mi lamzin ha zawh?**

Jesu Khrih cu Pathian thawnih Catuan NUNNAK LAMZIN a si.

Diabol (Setan) hi Catuan THIHNAK Lamzin a si.

Hi pate hi catuan nunnak hrangah duhhrilnak dik a tuah a si.

## **ZIANG DUHHRILNAK HA NA TUAH DING? JESU CU CATUAN NUNNAK LAMZIN A SI**

...Tuisunah zoha nan rian ding hril uh...  
Joshua 24:15

“Curuangah nangmah le na cithlah an  
nun theinak dingah tunah nunnak hril aw.”  
Danpeksalnak 30:19b

### **Jesu Hi Catuan Nunnak Lamzin A Si**


“Cui zoi’ hnen hmanah rundam sinak a  
um lo; ziangah tile van hnuai minung lakah  
rundam kan si hrimhrimnak dingih pek mi  
hmin dang a um lo,” a ti. Tirhkoh 4:12

“Keimah pakhat lawng LALPA Ka si;  
Keimah siar lo rundamtu an um lo.”  
Isaiah 43:11

## CATUAN NUNNAK HRANGAH ZIANGRUANGAH JESU KAN HRIL A TUL TENGTENNAK SAN?

1. Khrih hi a ra mi cu a si.

“...Nunnak an nei thei nak dingah Ka  
ra...”  
Johan 10:10



2. In duhdawt ih kan hrangih thi kha Jesu  
a si.

“...I duhdawttu le ka hrangih Mahte pe  
aw Pathian Fapa rinnakin ka nung.”  
Galatia 2:20b

Jesu cu milai ah a ra cang, taksa le thisen nei kanmah vekin, “Culawngah thih hmangin thihnakh huham neitu khawse lal cu huham nei lo ko A tuah thei ding, cun thih hreh ruangih nun sung zonzai fial fialih sal tang A hum suak thei ding.” Hebru 2:14b-15

3. Jesu thisen lawng hi kan soal pawl ngaithiamnak a si.

Ziangtintile nunnak hrangih soal-thenfainak, ngaithiamnak a tuahtu cu thisen a si. Puithiamnak 17:11b

A Fapa Jesu Khrih ih thisenin kan soal zaten in tlengfai. 1 Johan 1:7b

Amai' sungah soal ngaidamnak a si mi tlennak rundamnak kan ngah thlang. Kolose 1:14

4. Thihnak ihsi tho sal kha Jesu a si.

Khrih cu thi leh nawn lo dingin, mithi hnu Pathian in A kai tho ti thei-in thihnak cun a parah thu a nei nawn lo. Rom 6:9

Mi zate hrangah Amah A thi, cuticun nung pawl cu anmai' hrangah nung nawn lo-in, an ai-awhieh thi zo kaihthawh mi hrangah a nung sawn ding.

2 Korin 5:15



Jesu in, “Keimah Ka nun bangun, nanih khal nan nung ve ding,” a ti.

Johan 14:19b

5. Catuan nunnak (Catuan in nung ding) ih thosal ding cun Khrih Thlarau kan sungih kan neih tengteng a tul.

Ruahsannak sunglawi Khrih nan sungah a um. Kolose 1:27b

Asinan thihnak ihsi Jesu kaithotu Amai' Thlarau cu nan sungah A lo umcilh asile, mithi hnu Jesu Khrih kai thotu Amah khalin A lo umcilhtu Amai' Thlarau zarah nan taksa thi thei khal nunnak A pe ding. Rom 8:11

### **Khrih Thlarau Na Sungah A Nung Ngaingai Le Ngaingai Lo Fiang Aw**

Asinan mi pakhatin Khrih i Thlarau a nei lo asile, cupa cu Amai ta a si lo.

Rom 8:9b

## JESUN NAUHAH HMUAAHMHUAAH A DUHDAWT



“Jesun in duhdawt ti ka thei, Bible in in sim ruanah.”

A banah A cawi ih an parah A kut hngatin  
thlawsuah A pe hai. Marka 10:16



Asinan Jesu'n A hnenah A ko, "Ka hnenih nauhak ratter uhla, kham hlah uh, ziangahatile Pathian lalram cu hibang pawl ita a si," A ti. Luka 18:16

Cutivek thotho-in hi nauhak pawl lakih pakhat a hloh catuan ih siatral lole hloral cu vancungih um nan Pai' duhzawng a si lo. Mathai 18:14

Zo na si ih khuiah na um ti a thupi lo, Jesu in a lo duhdawt ih na hrangah a thi zo, Jesu in na duhdawtnak a duh ve. A thu lunnak thawn Amah na duhdawtnak na lanter thei.

Keimah in duh asile, Ka thupek nan zawm ding. Johan 14:15

Nauhak hmanin a tuahdanin theih thei a si. Thufim 20:11a

## **PATHIAN HNEN FEHNAK LAMZIN ZIANGTIN NA HMU DING**

1. Misual na si ti pawm aw.

Ziangtintile mi hmuahhmuahin thil an ti sualih, Pathian sunlawinak an co ban lo.

Rom 3:23

2. Jesu Khrih thawngin Pathian hnenah ra aw.

Ziangahtile Pathian pakhat lawng a umih, Pathian le minung karlakah Rem reltu palai pakhat a um; cucu Khrih Jesu si.

1 Timothe 2:5

Cuti asi-bangin, Anih Jesu khal an hrangih thlacamnak tuah saktu dingih a nun ringring zarah, Amah ihsi Pathian pantu pawl cu kumkhua-ih rundam dingah a tlin aw.

Hebru 7:25a

Jesu in, “Zokhal Ka hnenih ra cu ka dawikir hrimhrim lo ding,” A ti.

Johan 6:37b

3. Na sual pawl rim aw sualrim ti cu “sual nawn lo ding khawpih pawl ti” a si. “Cuiruangah Lalpai’ hnen ihsin thianfainak can a thlennak ding le, nan sual tla tlengfai thei ding ruangah, rim uhla, nan thinlung kir uh. Tirhkoh 3:19a

Mi hrekkhatin muang ti-ih an ruat bangin, Lalpa cu a thutiam cungcangah A muang lo, mi zate rim le A hnenih an rat theinak ding le, mi pakhat hman hloral lo dingah kan lamah thinsau tuarthei ih a um ruangah a si. 2 Peter 3:9



Kan sual kan phuang  
asile, Amah cu rinum  
le mi dikfel a si bangin,  
kan sual ngaidam in,  
kan fel lonak zaten in  
tlengfai ding.

1 John 1:9a

4. Jesu hnenah na soal pawl phuang aw.

Himi rinpawlah hin I Johan 1:9a thu cahmai 25 ih thlacam kut sungih ta ngan aw.

---

---

---

---

---

---

---

5. Na sualnak pawl tlansan aw.


Mai tuahsual mi phehtu cu a t̄hangso lo ding, soal phuangih cumi dungtun lawngin zangfah a co ding. Thufim 28:13

T̄hat lonak tlansan awla thil t̄ha tuah aw. Saam 37:27a

## 6. Jesuh Khrih zum aw.

Na ka-in Jesu cu Lalpa a si tiin na phuangih, Pathian in mithi hnu Amah A kai tho tin a thinlungin na zum a sile, rundam na si ding.

Rom 10:9b



Ziangahtile rinnak zarah ngilhneihnak zangfahnakih rundam nan si; cumi khal cu nanmai' tuah thei mi a si lo, Pathian thilpek a si; mi zokhal tuangkhang thei hlah seh tiah ùanakah rah suak a si lo.

Efesa 2:8-9

Lalpa Jesu Khrih zum awla, nang le na insungsang zaten rundam nan si ding.

Tirhkoh 16:31b

7. Na thinlung le nunnakah Jesu Khrih cohlang aw.



Jesu in hitin a ti, “Zoh hman, sangka hramah dingin Ka king hi; mi pakhatin Ka aw thei-ih sangka i awn a sile, a hnenah Ka lut dingih, a hnenah zanriah Ka ei ding, anih khal Ka hnenah a ei ve ding.

Thuphuan 3:20

Na tithei tawk cu na thinlung sangka awngin ra lut dingah Jesu na sawm thei.

Asinan Amah la luttu hmuah le A hmin zumtu zaten Pathian fa can theinak A pe.

Johan 1:12

## THLACAM DAN

Thla na cam dah hrih lo a siah cun, na cam tengteng a tul, a tang lam thlacam dan khi.



Maw Bawipa Jesu,

Ka sualnak pawl lahlo dingah khraws parih na thih ruangah ka lungawi. Thil sual ka tuah pawl hmuahhmuah ruangah ka rehsiazet, ziangfahte in ka thinlung sungah ra ih ka thilung sungah catuan ih nung dingin ka lo sawm. Tu rori ih ka thinlung thiangfater dingah ka lo ring a si. Ka bulpak rundamtu le Bawi dingah ka lo pawm. Na hminin thla ka cam, Amen.

## **NA THINLUNG SUNGAH JESU THAWN, CATUAN NUNNAK NA NEI**

Cui theihpi-nak cu hi mi a si, Pathian in  
catuan nunnak in pek, cui nunnak cu a Fapa  
ah a um. 1 Johan 5:11b-12a

“Thu ngai zet, thu ngai zet Ka lo sim,  
zokhal Ka thu a theih-ih, Amah thlahtu  
zumtu cun ... thihnak ihsin nunnakah a lut.  
Johan 5:24b

Na taksa a thih cun Bawipai hnenah na  
um. 2 Korin 5:8

Ruahsannak sunglawi Khrih nan sungah  
a um. Kolose 1:27b


Jesu Khrih na sualnak pawl la hlo dingin  
na dil zo ih na Bawi le Rundamtu ah na ring  
a siah cun, a tang lamah hin na hmin ngan  
aw.

---



## JESU ZIANGTIN KAN THLUN DING

Bible (Pathian thu) nitin siar awla, a lo bawm le t̄angkai deuhpawl cu na thinlung sungah zoh lo siar thei dingin thup hai aw. (Hi cabu te ahhin cuvek cu tampi a um.)



Cathiang zate cu Pathian thawkkhum an si-ih, zirhawknak, na zum mi hrangah, nun sim awknak hrangah, nuncan rem t̄atnak hrangah, felnakih zirhnehawknak hrangah a t̄ahnem.

2 Timothe 3:16

## ZIANGTIK CAN KHALIH THLACAMNAK THAWN JESU THAWN BIAKAW UH

Na nunnakih thilṭha hmuahhmuah ruangh Jesui hnenah lungawi thu sim aw. Na nunnak ih a tuah mi le na thlarau a rundam ruangah Amah cu thangṭhat aw. Na ṭul mi poh hrangah thlacam aw. Jesu hminin thlacam aw.



Amai' hna-tlak zawngin ziangkhal kan dil a sile, Amah in in thei sak.

1 Johan 5:14b

“Ziangkhal Pa nan dil asile, Ka hminin A lo pe ding.” Johan 16:23b

A pakhat le pakhat thlacam sak aw uh.

Jeims 5:16

Na ral duh awla a lo tuahsetu thlaza camsak aw.

Mathai 5:44b

## JESU A DUNGTHLUN PAWL A SIM MI THLACAMNAK

Jesu a dungthlun pawl hitivekin thlacam dingin a sim.

Cun hitin thla cam uh: “Vancungih um kan Pa, Na hmin zah-um seh. Na lalram thleng hram seh. Vancungih Na hnatlak zawng tuah a si bangin, leitlun khalah tuah si seh. Kan ni tin rawl tuisun ta in pe aw. Lei in baktu kan ngaithiam bangin, kan leiba in ngaidam ve aw. Thu sawhnakah in hruai lo-in that lonak ihsin in hum aw. Ziangahtile, laram, huham le sunlawinak cu, a kumkhua Nangmai’ ta a si si. Amen.”

Mathai 6:9b-13

Hi thlacamnak hi baihat (zohlo/siar thei) ding a si. Zumtu pawlin hi thlacamnak thawng ring zetin thla an cam tlang theu.

# **PATHIAN THUPEK PAHRA IN NUNDAN IN ZIRH**

## **(Suahhlan bung 20)**

A hmaisai pali hi Pathian kan duhdawtnak a si.

1. Keimah lo cu a dang Pathian na nei lo pei.
2. Na hrangah kher mi zuk siseh, a bang thil ziangkhal na tuah lo pei...; An hmaiah kunin na rian lo pei.
3. Lolak menmenah Bawipa na Pathian hmin na hlam lo pei.
4. Hmang thianghlim dingah Sabbath cing ringring aw.

A neta lam paruk cu milai kan duhdawtnak a si.

## **THUPEK PAHRA**

5. Na nu le na pa cawimawi aw.
6. Lai na that lo pei.

7. Na uire lo pei (Uire cu nunau mipatnak thu ih nupi lole pasal parih rin um lonak a si.)

8. Na fir lo pei.

9. Na inn hnen pawl dokalhin thu dik lo tetti na si lo pei.

10. Na innhnen pawl thilziangkim na daw lo pei.

### **Pathian Thulunnak Cun Kan Thlacam Sannak A Keng**

Ziang kan dil khal le A hnen ihsin kan ngah, ziangruangahtile, A thupek kan thlunih, A hmuhah A lunghmui zawng thil kan tuah.

1 Johan 3:22

## THUPEK ROPI BIK PAHNIH

### *Pathian Duhdawt Aw*

1. Jesu in a hnenah, “LALPA NA PATHIAN CU NA LUNG ZATE, NA NUN ZATE LE, NA THINLUNG ZATEN DUH AW. Himi cu thupek ropi le hmaisai bik a si,” tiah a si.

Mathai 22:37-38

### *Milai Duhdawt Aw*

2. Pahnihnak cu hitin a si, ‘NANGMAH NA DUHDAWTAWK BANGIN NA INNHEN DUHDAW AW,’ ti a si.

Mathai 22:39

Thupek pahra (cahmai 34 le 35) hmuahhmuah khi thupek ropi bik pahnih ah an kim ðeh.



## **DUHDAWTNAK CU ZIANG HMUAHHMUAH HNAKIN A ROPI BIK**

Minung le vanmi tongin ka tong, hmanseh duhdawtnak ka nei lo asile, keimah cu dar tum awn tluk le, sumsel tum awn tluk fang ka cang. Cun thusim thiamnak thilpek co-in, thuthup zate le thiamnak hmuahhmuah thei thluhin, tlang thawn khawpin rinnak nei hman ningla, duhdawtnak ka nei lo a sile, zianghman ka si lo. Cun ka neih mi zaten mi rethei cawmnakah hmangin, meisa ur kang dingah ka taksa pum pe siang hman sehla, duhdawtnak ka nei lo asile, zianghman a hlawk lo. Duhdawtnak cun a zawi thei, dundawtnak cu a tlaitluangih a iksik lo, duhdawtnak cu a pawrh aw lo-ih a hngal fawn lo. Mawi lo-in a cangvai lo; a hmakhua lawng a sial lo, thinheng a awl lo, thilsual thin cin a nei lo, fellowakah a aipuanglo, cuhnakin thutak ah a aipuang; thil ziangkim a zawi tonto, thil ziang kim a zum, ziangkim a tuar hramhram. Duhdawtnak a duai dah lo; asinan thu simnak thilpek a um hmanah,

a hlohter lai ding; tongdang a sikh-al-le, a cem dai ding; thiamnak a um hmanah a hlo lai ding.

Tunah rinnak, ruahsannak, le duhdawtnak thil pathum an um; asinan hite pathum lakih thupi bik cu duhdawtnak a si.

1 Korin 13:1-8, 13

### **Pathian Cu Duhdawtnak**

Pathian cu duhdawtnak a si-ih, duhdawtnakih um cu Pathian ah a um, Pathian khalin amah A umcilh.

1 Johan 4:16b



## JESU IN MIDANG HNENAH A THUTHEITU SI DINGAH A LO DUH

(Innah siseh, Tlawngah siseh, Biakinnah  
siseh, Khawiah khal siseh)



Jesu in, “Na miphun umnak na innah va  
tlung awla, na hrang Lalpa in ziangtluk thil  
nasa A tuahih, na parah ziangtlukin zungna  
A ruat ti va sim aw,” A ti.      Marka 5:19b

## **PATHIAN FA DIK TAK ZIANGTIN KAN THEI DING**

Cuti-in, an rah in nan thei ding.

Mathai 7:20

Asinan Thlarau rah cu, duhdawt awknak, thin nawmnak, hna-ngamnak, tuarfai theinak, thatnak, le rinumnak nunnemnak le supawktheinak an si.

Galatia 5:22-23a

### **Pathian Fa Ngaingai Cun Midang Pawl A Ngaidam**

“Ziangahtile mi-ih tuah soal mi palhnak nan ngaidam asile, vancungih nan Pa khalin a lo ngaidam ve ding.

Mathai 6:14

### **Pathian Huat Mi Thil 7**

Puarthau mit, lei thuphanper, mi tha thisen suah hmang kut, soalralnak khawkhangu lungthin, that lonak tuahih ke zuanzang thuphan zit hmang thu theitu, dik lo mi tanpitu le unau lakih rem awk lonak cawk thotu an si.

Thufim 6:17-19



**Thlarau  
Rah**

**Tisa thilti  
pawl**

Tisa thilti pawl cu:  
... hurkhuannak,  
thianghlim lonak, nei  
aw lo nunau mipat-  
nak, nun tlaungau-  
nak, milem biaknak,  
dawi hmannak, huat  
awknak, thah awk-  
nak, thikawkak, thin  
sonak, thu el awk-  
nak, a dangte pen-  
nak, then awknak ...

cuvek tuah pawl cun Pathian ram an co lo  
ding. Galatia 5:19-21

Mi hurkhuang pawlkawm lo ding ei  
thup siseh, milem bia zate siseh.

1 Korin 6:9-10a

## **Jesun A Thlarau In Lo Khatter Sehla Lo Tithianghlim Seh**


Mihrekkhat cu khativек nan si; asinan  
nanmah cu kan Lalpa Jesu Khrih hmin le,  
kan Pathian Thlarau ih khawlhfa mi,  
thianter mi le thiamcoter mi nan si.

1 Korin 6:11

# HREMHMUN HI A UM NGAINGAI SOKHAW

( Luke 16:19-26 siar aw.)

Jesu Khrih ah na thumaw ngai ngai maw,  
A nunnak cabuah na hmin a ngan ding.



**IN BAWM AW!**

Nunnak cabu sungih hmin ngan hmuh  
lo mi cu meisa sungah rak hlon a si.

Thuphuan 20:15

## **JESU HI PATHIAN HNEN FEHNAK LAMZIN UM SUN A SI**

Cui theihpi-nak cu hi mi a si. “Pathian in catuan nunnak in pek, cui nunnak cu a Fapa ah a um,” ti a si. 1 John 5:11b

Ziangahtile sual man cu thihnak a si: asinan Pathian thilpek cu kan Lalpa Khrih Jesu sungah catuan nunnak a si. Rom 6:23

“Zokhal Fapa a zumtu cu catuan nunnak a nei thlang; asinan Fapa thu lunglotu cu nunnak a hmu lo ding, cuhnakin a parah Pathian aithawh a tap.” Johan 3:36

Jesu'n a hnenah, “Keimah cu Lamzin, Thutak le Nunnak Ka si; Ka hnen lo-in zohman Ka Pai' hnenah an ra lo,” tiah a ti. Johan 14:6

## VANCUNG HI A UM NGAINGAI

Johan ih larawknak Thuphuan 21 ah lei thar le vanthar a hmu.



Cuisin Amah in mikip an mitih mitthli hul ko A hnul fai sak dingih; thih a um nawn lo ding; lusun tap le rak le nat tuarih ninghan khal a um nawn lo ding; ziangah tile thil hmais a cu a cem thlang. Cun lal tohkham parih to

Amahin, “Ngai uh, thil hmuahhmuah Ka tuah thar rero thlang,” A ti. Cun Amah in ka hnenah, “Hi thu cu an dikih rintlak an si, ngan aw,” ti-ah i rak fial. Thuphuan 21:4-5a

Johan in Khawpi Thianghlim, Jerusalem thar Pathian hnen ihsin van ihsi rawng suk a hmu fawn.

Cumi kulhnak pharih thilri cu jasper lunghlu a si, khawpi cu thlang tle kelkel bangin sui er thiang hli a rak si.

Thuphuan 21:18b-19a

## **JESU CU A ZUMTU PAWL HRANG INN TIMTUAH DINGIN A FEH ZO**

“Nan thinlung har hlah uh; Pathian zum uhla; Kei khal in zum uh. Ka Pai’ inn sungah umnak hmun tampi a um; um lo si sehla Ka lo sim zo ding, ziangah tile nan hrangah umnak hmun timlam in Ka feh. Nan hrangih hmun timlamih Ka feh asile, Ka ra kir sal dingih, Ka hnenah Ka la lut ding, cun Ka umnakah nan um ve ding.” Johan 14:1-3

### **Hi Thuthang Ṭha Hi Midang Sim Aw**

Jesu in, “Leitlun hmun kipah feh uhla semsua mi zate hnenah thuthang ṭha sim uh,” tiah a ti. Mark 16:15b

Thlarau hlo kai cu mi fim a si.

Thufim 11:30b

## A FALE PAWL HRANG PATHIAN THUTIAM



Ka lo tlansan dah lo dingih,  
Ka lo thlauthla fawn lo ding.

Hebru 13:5b

Ziangahtile LALPA cu  
ka rolhimnakah Na  
tuah, Cungnung Bik  
hman na umnak  
hmunah Na tuah.

Sam 91:11

“Pai’ kut ita cu zo hmanin in long thei lo  
ding.”

Johan 10:29b

San net tiangin Ka lo umpi ringring.

Mathai 28:20b

Na tuar lai ding mi cu ÷ih hlah ... thih  
tiangin rinum awla nunnak lal lukhum ka lo  
pe ding.

Thuphuan 2:10

Thim lakah to hman ningla, LALPA cu  
ka hrangih eng a si.

Mikah 7:8b

I ko awla Ka lo awi dingih.

Jermiah 33:3a



## JESU A RA SAL



**Mi hmuahhmuah thihnak ihsin kaihtawh an si ding.**

“Himi ah nan khawruah har hlah uh; ziangatile thlan sungih um zaten an thlan cio-in A aw an theih ding can a nai thlang; cuisin an ra suak, thil tha tuahtu cu nunnakah an tho

dingih, thil tha lo tuahtu cu rorel dingin an tho ve ding.” Johan 5:28b, 29

**Khrih ih thi pawl an tho hmaisai ding.**

Cule kannih nungdamih um le tang lai cu, anmah thawn hmun khatah boruakah Lalpa tong dingin khawdur lakah lak soh kan si ding; cuisin Lalpai’ hnenah kan um lanta ding. 1 Thessalonika 4:17

Ngai uh! ralring uhla; cui khiah cia mi can cu ziangtikah a si ding tin nan thei lo.

Marka 13:33b

## ZIANGTIN JESU A RA DING



NGAI HMAN, AMAH CU MERO THAWN A RUNG LAI, mit nei kip le Amah suntu hmanin an hmu lai ding. Thuphuan 1:7a

**Khrih deu le Prophet deu pawl ralring aw.**

“Ziangahtile Khrih deupawl le profet deupawl lan suak dingih, a cang thei asile, hril mi hman hruai peng dingin, hminsinnak le mangbangza nasa zet an hmuh ding. Cuti a si ruangah, ‘Ngai hman, Anih cu thlaler ah a um,’ an lo ti asile, feh hlah, culole, ‘Zoh hman, inn sung ta bikah a um,’ an lo ti khal le, annih cu va zum hlah.” Mathai 24:23b, 26b

### **Van Mero Lakah Jesu A Ra Cing Ding**

“Ni suahnak lam ihsin ni tlaknak lam tiang nimthlakau a tlet suak zohzo bangun, Minung Fapa A run tik khalah a si lai ding. Cule vanah Minung Fapa hminsinnak a lang ding, cuisin MINUNG FAPA cu huham le sunlawinak ropi thawn van dum ihsin A RUN LAI an hmu ding.” Mathai 24:27, 30b

## TUUKHAL SAM (SAM 23)

LALPA cu i kilkhawitu a si, ka hlawhsam lo ding. Hramhring parah Amahin I zauter, tidai cang lo kapah Amahin i hruai, Anihin ka nun I dinṭhat sakih, A hmin zarah felnak zinah i kaihruai. Thihnak thla-hliap pal phahin feh hman ningla, siatnak ka ṭih lo; zianghatile Nangin I umpi. Na vuakfung le Na kianghrawlin i thlangam a si. Ka doral hmai-ah Nangin cabuai i timlam sak; ka lu parah hriak Na thih; ka hai a liam thlurthlo. Ka nun sung hmuah ṭhatnak le duhdawt zangfahnakin i thlun tengteng ding, Cuisin LALPAI' innah ka um lan ta ding.

Published in numerous languages by World Missionary Press, Inc.,  
as God supplies funds in answer to prayer. For questions or more  
information by country, visit: [www.wmp-contacts.org](http://www.wmp-contacts.org)

World Missionary Press  
PO Box 120  
New Paris, IN 46553-0120 USA